

○興泉道

○葉灼棠字函公江寧六合人順治十二年以中翰隨定遠大將軍征閩委署興泉道事時瘡痍未起灼棠務與民休息未幾還京改授十五年復爲興泉兵備謝絕竿牘飲冰茹檠值歲飢煮粥以啜飢民盜賊充斥灼棠領卒蒐捕元醜數十人駢戮以殉戊午五月海寇連數十

泉州府志

卷之三十二

名宦四

一

艘迫犯內港灼棠督師夾山而陣城闔不閉寇知有備越日解去寇復潛窺上游逼澹洲嶼灼棠偵知預請督鎮檄調興化舟師截其後自以泉標千人乘夜擊之斬俘甚衆兩郡遂定因條陳安泉十要禁除四害皆悉中時弊巡按成勇備疏入告允行他如恤舖行精讞鞫脩雉堞美不勝書暇則課試多士親定甲乙膺識拔者如登龍門逾年丁父艱去郡人投櫃一日滿百金固却不受留賑貧民自衰經扶杖行民攜老幼懷酒核追送數十里著有興泉政畧六卷

○王育賢遼東人康熙十七年任興泉道六月海寇圍泉州育賢日夜爲戰守具與士卒登陴守禦不解甲夜臥者四十餘日徒跣率百姓操畚鍤築垣聞援師逾白鴿嶺至單騎臨衢巷遍慰父老父老皆感激流涕竟以勞卒圍解老幼投櫃運櫬攜牲醴數千人哭送祀於崇陽樓左

○孫朝讓號九芝蘇州人由進士崇禎閒知泉州府告養歸康熙閒再任泉州府陞興泉道市米買薪而外惟啜清源一斛水日與諸生談經課藝講明程朱之學公私

泉州府志

卷之三十二 名宦四

二

無擾鎮靜自持與民休養其爲政不在多言而郡人思

其德祀名宦

葵山文集  
雍正志稿

○佟沛年字禹公奉天遼陽人康熙四十三年任興泉道興利除害三載政成丙戌久旱民以爲憂沛年喟然曰天乎吾有位責也胡殃百姓爲則竭誠齋戒偕提師梁公鼎率郡邑長徒步城南六七十里取水龍湖歸夜齋宿月臺寺越數夕禱益虔吏以回署白不聽丁卯雨降沛年露立中庭望空拜且祝袍服淋濕不避戊辰遂大雨盡夜不停溝澮充溢高下得盡播種是歲大獲豐收

億萬戶感激莫報會都人士素沐其栽培之德故構講院於郡東郊甫告成遂相率建亭於其左額曰誠格甘霖並歌曰天不雨惟公憂雨則降惟公求我有田疇匪公之賜曷耕收歌欣欣兮蒙公庥郡紳施世駮復爲文勒於石

○朱叔權山陰人由吏員雍正八年任興泉道抑強扶弱存心愛民革除舖戶諸雜派故事凡枷示重犯分發城鄉看守俱着居民輪流支更一有疎虞卽罹重譴大爲民累叔權下令免之發交約保支守民得安堵稱爲朱

泉州府志

卷之三十二

名宦四

三

佛縣役十二班頭設私館十二間於前田巷一票到手拘齊犯証錮禁其中勒索遂意始許餽送飲食不則斷其水火叔權查知親詣折毀之飭縣輕犯及待質者發取的保稍重者羈縣署班房不許私禁自是良民喜見天日調任廣東糧道廣城西關外泉民累千踴躍歡迎數十里每公出送者盈岸及降調天津府同知相率追送至南雄府乃返在天津值壽誕興泉兩郡海艘至津貿易者計數百人登堂慶祝各獻海鮮仍於船上燃燈焚香奏樂稱賀繞岸數里三日乃罷

○泉州府知府

○張仲舉海州人由官監生康熙十六年守泉州時海氛未除軍興旁午民賴以全忽有白頭賊夜踰城西北以進達旦而遁越日主兵者議勦西北半城坐以通賊仲舉堅持不可後又獲賊部蕭姓者扳扯多人悉置不論止梟首惡民得安堵後陞興泉道

○高拱乾號九臨陝西榆林衛人由監生康熙二十九年知泉州府郡南安平一帶自辛丑播遷後田地多荒蕪按舊冊征輸民苦糧累拱乾躬歷田畝逐一勘丈清查

泉州府志

卷之三十二 名宦四

四

其無着者申請具題豁免民累以甦安平士民建祠龍山寺前與前邑令王承祖並祀焉後陞臺灣道歷官布政

○常光裕正黃旗監生康熙三十四年知泉州府爲政安靜聽斷詳明晉江四十七都黃姓係宦後故家其同鄉謝姓世爲婢僕有謝拔因弟謝世爲海上僞目迫脅黃愿將六歲幼女愛娘許配其子謝儲欲藉以洗主僕之羞黃愿畏禍忍從繼乃強命劉福爲媒亦無寸絲爲定及愛娘稍長決意不嫁僕屬辱身謝拔卽以悔婚疊控

邑令不顧名分反代送幣聘愛娘當堂剪髮以死自誓而問官復將愛娘之叔黃賡喜收禁差白役施欽立押愛娘赴縣成婚愛娘情急路經謝拔之門遂登梯跳入服毒而死邑令驗報審詳復以屍兄黃捷抄搶賴命擬流審解到府時光裕新任吊案親訊備悉謝家世爲黃僕黃愛娘原供有平時呼奴呼婢一旦呼爲翁夫妯娌實屬亂倫不可玷辱之語及謝拔脅婚始無媒繼無聘前後捏詞混控各情節將謝拔擬杖滿百枷號愛娘墳前仍追給埋葬銀兩謝儲身充縣役立提責革黃賡喜

泉州府志

卷之三十二

名宦四

五

無辜開釋愛娘仍請旌獎詳蒙臬司撫院照詳發落闔郡稱快目爲常青天其他摘奸發伏伸冤理枉多類此

○李大章丹徒人由蔭生康熙三十五年知泉州府捐俸百五十金重造郡南三陡門委晉邑令李元霖督之堅

完異常

水利功德錄

○劉侃字晉陶號存菴山東沂水人康熙庚辰進士四十九年知泉州府實心勤政不避權勢重脩文廟及諸先賢神宇又補蔡虛齋坊表故地樹立之置祀業遺其後裔刊小學實義頒之書院以教士朔望躬詣訓誨焉

哀矜民命錄宋儒謹刑語勒石府堂側垂示將來以卓異陞閩轉運使士民懷之立祠小山叢竹之東祀焉數年後奉公過泉闔郡列戶設香案歡迎爭覩其面咸稱有召南素絲之操云

○張無咎字惕齋山東萊州人雍正三年由部郎知泉州府潔清鎮靜每月會諸生課文手爲評隲值歲饑開倉賑救越年又飢惠邑更甚捐俸賑濟分別有法全活甚衆後以盤倉失額解任百姓樂輸代補負擔相續填滿廳堂得不墜職調任雲南去之日紳士相率燕餞于明

泉州府志

卷之三十二

名宦四

六

倫堂送者盈郊後歷山西按察使

○孫魯號岱東河南陽武人由監生雍正九年知泉州府初下車值科考閔泉士貧寒下令童子就試者自備試卷填名繳府蓋印一切卷票錢悉免之泉人爲勒碑於府照牆之東曰士沐新膏

○王廷諍號閭齋全椒人由舉人乾隆三年知泉州府下車刊和字圖說以教民按戶分給捐俸勸輸倡改興泉道舊署爲考棚仍脩溫陵朱子祠小山叢竹亭歐陽行周真西山王梅溪各祠濬八卦溝葺東嶽廟捐置文

廟祭器樂器偕晉邑令胡格捐買店屋以爲諸生文會  
飯食之需置買田租爲朱子祠祠丁祭掃香燈之費衆  
廢俱興敬賢禮士每會集諸生講學諄諄不倦歲科兩  
試殫心搜索各書院月課親定甲乙分別獎賞經識拔  
前列者不數年多登甲科陞汀漳道歷閩省按察使

○張宗純陝西長安人提督元侯雲翼之裔由貢生乾隆  
八年知泉州府志潔行芳飲冰茹檠振興文教撫綏窮  
民一切冤獄多所昭雪在任三載不爲赫赫之名而民  
樂其生從其化士類尤深感激調任部郎倉儲有蝕耗

泉州府志

卷之三十二

名宦四

七

缺額者爭爲捐輸補足紳士賦詩紀德曰溫陵輿誦

○書成鑲黃旗人由監生乾隆十二年知泉州府安靜宜  
民未幾陞臺灣道值泉州歲歉米價騰貴臺灣民相約  
禁港穀船不通成曰何忍任泉民獨飢亟下令凡載米  
穀至泉州各船悉放行無阻於是糧艘絡繹市價以平  
及丁父艱由泉回籍奠送者數千人

○伊靖阿正紅旗人由監生乾隆十二年知泉州府慈愛  
煦濡視民如傷縉紳賢士以至山人墨客皆加禮焉考  
試力拔孤寒凡貴胄富家槩絕弊竇士論歸之

○同知

○來承祉號駢莠高陵人順治辛卯 恩拔貢生十八年任  
泉州府同知值海疆多故 承祉沿海奔馳極

意軫恤出橐金給民牛種墾荒田六千餘頃又輸重資  
爲築堡蓋屋捐米施粥全活萬計素絲自儉一蔬一薪  
毫不累民課士聽獄刑清政簡除里弊減夫役善政種  
種康熙元年攝理安溪縣篆學宮當兵燹後櫺宇傾圮  
捐俸率諸學長鳩工庀材凡殿堂門廡薨垣次第繕葺  
不動公帑不傷民力踰年新令關宏異復理其未竟之

泉州府志

卷之三十二 名宦四

八

緒力贊厥成邑人士請給諫粘本盛爲文記之

節安溪文志

○王國泰奉天蓋平人初爲福州同知逆藩蓄異謀國泰  
每偵之以告總督范承謨後佐郡泉州康熙十六年遷  
福建鹽驛道會耿逆初平海氛尙熾國泰辦應夫船予  
直不以擾民泉州告警請破賊募壯勇數千人授衣糧  
甲仗率先士卒奮呼擊賊泉人素啣其恩効命恐後賊  
大潰圍解叙功增秩擢安徽按察使

福建通志

○黃焜號旭菴奉天人鑲黃旗貢生康熙五十一年知泉  
州府海防同知善政宜民鷺島頌之鷺民婦劉黃氏偕



孀女林劉氏養其夫姪林萬之妹愛娘於家既而劉黃氏立族人之子劉全爲孫議以此女爲全婦後以母女有閒言林劉氏遽送愛娘還其兄林萬使別配劉黃氏及全訟於官焜訊明庭斷歸劉愛娘以六禮未備執不從焜親諭以孝慈節義至性卽捐俸爲備禮擇吉愛娘感動心服當堂成禮拜謝導迎以出觀者嘖嘖感嘆紳庶好義者亦閒斂財帛贈焉論者謂此舉全黃氏母子之恩成劉全夫婦之好維婚姻之禮起好義之思大有裨於風化爭刊其讞牘以傳邑人林鵬揚爲之序

節同安藝

泉州府志

卷之三十二

名宦四

九

文志

○通判

○徐之霖鑲藍旗官學生康熙三十三年任泉州府通判郡北舊有小山叢竹亭明通判陳堯典重建鏤朱子像于亭祀之兵燹之後寸椽片礫蕩然無存其地侵作民居石額爲營兵轉售諸清溪湖中像亦碎而爲三委置五賢祠壁隙之霖銳志興復清其舊址捐俸重建亭旣成則移刻像命匠補綴仍祀于亭中復輾轉窮詰石額所迭藏者知不能匿乃歸還故物爲循舊址而楹豎之

是秋己卯泉士雋于鄉者數倍往昔咸謂其振興文教之功踰年復于亭左營造講堂標曰誠正堂亭之後構書舍前後六間爲士子肄業之所額曰瞻紫堂右築六角小亭檢焚殘簡額曰敬字亭前後植竹滴翠盈階祠門之外仍建坊表于通衢標曰朱子講院俾人知所瞻仰康熙四十一年告竣自爲文記之晉邑令陳炎有跋都人士復請侍講陳遷鶴爲文勒石紀功今祀於瞻紫堂

○康兆元奉天人康熙四十三年任泉州督糧通判自奉

泉州府志

卷之三十二

名宦四

十

儉約嘗自言佐貳末職無能展報 國恩惟隨分自盡以求無愧而已徵收倉糧贏餘不入買米而炊署邑事革除耗羨纖毫無染讞鞫命盜大案平情推訊咸得真情遇士不得已或至公庭者不令屈膝曰吾重士士寧不自重耶屬邑缺員上官稔其廉能徃徃借才署篆卒以運解本色賠累不能稱償鬱抑無聊卒於邸舍人咸惜之

○冀靖遠曲周進士康熙五十三年由朔州牧降調泉州府通判潔脩操行有古廉吏風臨事當機不炫而揮霍

綽有餘刃馭胥吏聽兩造不事鈎索洞若灼照上官稔其賢每僚令缺多委署焉所至治辦有聲其攝海防同知廈門兵民尤尸祝之

節不自棄亭集

○陳疇九字汝雍號禹圖陸豐人康熙庚子舉人乾隆元年署安海通判除奸暴惠孤孀剖決如流案無留牘斥贖鍰以避嫌疑表貞女以維風化自正賦養廉外一絲一粒未嘗有所取于民稽海舶安靜無擾征糧米雞犬不驚季試生童遠近雲集評隲鼓勵士心競奮臨發奏樂焚香送者擁擠至郡城紳士雲集爭欲睹其一面爲

泉州府志

卷之三十二

名宦四

十一

快各贈以詩曰鰲海謳思

推官

○金懷玉江都人由進士康熙元年任泉州府推官時海氛未靖方事招徠歸附者接踵借民屋以處之所部卒多狼戾未化懷玉躬自巡行遇生事擾民者懲治不稍貸後卒有脩舊怨者懷玉語之曰爾輩荷洪恩不追旣往幸矣尙不忘舊事乎皆愧謝民乃獲安爲政不事苛刻以正風俗爲先公餘與諸生講課文章而品第之士論咸歸尋以裁缺調補江右

○司獄司

○熊有能江西金谿人康熙五十三年任泉州府司獄數年秉心慈祥捐湯水草薦以卹囚囚有病死及貧民不能殮者輒施給棺木並爲埋瘞尤憐恤惇獨嘗空囊賑之二舖不繼敝衣徒步晏如也以老病辭歸郡人至今追思之

○泉州府教授

○蔣垣字用崇候官人由舉人康熙二十五年任泉州府教授訓士以躬行實踐爲先垣嘗刺血爲母寫像廬墓

泉州府志

卷之三十二

名宦四

十二

三年羣烏飛集當甲寅之變耿逆迫以僞職不受逃至江西橘園洲舌耕鋤口督課之暇搜討宋元以來理學諸儒纂輯成篇名曰八閩理學源流及教授于泉抄呈督學趙公暨泉諸縉紳咸相獎許梓而行之遷鹽亭知縣乞休卒雍正二年祀福州忠孝祠

○楊振綱字明憲閩縣人康熙壬午舉人雍正閒任泉州府教授以敦品脩行勵諸生先爲詔安教諭時曾葺文廟崇聖祠明倫堂邑庠有兄弟爭產者噪于縣庭令延振綱至欲責之爲從容曉譬各感泣讓產詔人爲豎

德教碑著有半圃詩文集芥庵筆記讀史管窺

○李鎬字卜京號坦齋汀州歸化人雍正癸卯舉人乾隆丁巳進士十六年任泉州府教授革除陋例淡泊自甘按月備盤飧集士會課當堂甲乙仍諄諄勉以踐履篤實工夫懸掛學舍諸對聯言言箴砭凡上憲頒行學政遵奉維謹簿書手自經理不假胥吏二丁屆期堂庶器物逐加點檢以示恪恭越二年卒于官蕭然敝篋紳士爭賻焉鎬博學多識廉隅自砥寧化雷鉉屢保送國子監學錄學正未用歸邑令延爲峨嵋書院山長論文外

泉州府志

卷之三十二

名宦四

十三

日錄格言一條以教士名曰勗記冢宰孫嘉淦序之稱其有關世道人心秉鐸於泉士心歸附卒後沐化雨者久彌思之所著有四書訂補五經易解史韻便讀古文存腋詩柄彙記藥性歌心會錄莊子解蒙分類增廣賢文及自作四書文稿南歸里言

○唐山號樂壺莆田人乾隆壬戌進士十八年任泉州府教授慨然有振學興文之志刻蔡虛齋密箴以示學者虛齋特祠在巒宮頽圯數十年閭里屠販多雜據其中山請于府一爲廓清仍率蔡族及諸紳士重興凡木石

工役皆手自經理廟貌煥然常與諸生論文多所徃復不執己見至于忠孝節義之事尤樂爲獎勸事上官亦能持大體不肯過屈調臺灣教授出郭送者數百人

○泉州府訓導

○陳任賢福寧人由歲貢康熙間任泉州府訓導釋鍛脩之陋解文字之飲數年間春秋兩闈登薦者接踵歲辛卯郡邑饑奏請截漕賑濟時同安缺令郡守劉公檄任賢徃賑至則飭諸郡役察民眞貧無則補之不以數計不以籍限扃僻窮戶得沾實惠凡胥吏虛詭之弊一槩

泉州府志

卷之三十二

名宦四

十四

削除明倫堂自門至寢墀剝將盡召工計材以公至省揭買大木浮海而至或脩其故或易其新以千金不啻之費嗇而數百稱完構焉戊戌大水 文廟被淹墮墻皆圯郡守倡捐檄任賢謀于紳士聚財約版百堵堅築閱六月而竣工上官胥器重焉

節臬軒文集

○晉江縣知縣

○王承祖陝西人順治間由進士知晉江縣廉能方正耿耿自立安平海濱埭田崩壞民苦肆累承祖寬典清丈俾得脩築有資時寇方熾 貝子率大兵征剿牧馬民間

龜湖二十四鄉人有夜盜戰馬者貝子怒令道府以下各僉花押以亂民奏剿之承祖獨毅然曰頑抗徵輸是謂亂民此地徵輸不失豈可妄剿且戰馬被盜誰司牧圉而欲殺此無罪之民職雖死不忍僉號也因涕泣固請得免又海寇竊踞安平及賊遁議者欲追民間通賊之罪屠殺之承祖亦力爭不可二事全活無數後陞兵部職方司主事歷都御史工部侍郎

○叢蔭坤號邃衷山東人順治十五年由舉人知晉江縣舊時軍旅頻仍賦重民貧征賦者日進糧長而扶之糧

泉州府志

卷之三十二

名宦四

十五

長弗能堪則傭貧民代扶持扶與受扶者皆計數取償費益多而糧益逋又故事止征比糧長不問花戶黠者既貽累糧長而愚者不知應輸之數任糧長飛移作弊莫從稽查簽拘押追胥役漁利閭井騷然蔭坤下車甫浹旬問民疾苦鑒前失而反之進糧長於庭悉心開諭令臚列花戶姓名及應納糧額造具細冊榜而示之令各照數赴櫃投納其完不及數者復令自爲限期於是輸將恐後里無追呼庭絕敲朴歲省扶省費以萬計值大兵征剿軍需孔亟庚癸不呼而民無煩擾以勞瘁卒

于官貧不能歸櫬士民捐賻之並爲勒碑畫像祀名宦

祠

雍正舊稿參  
躬堂文集

○沈朝聘奉天人鑲藍旗筆帖式康熙十六年知晉江縣性淡泊署內麤糲自甘時海氛竊發朝聘築靈水前埔日湖東石圍頭五寨日練鄉兵以爲犄角戊午賊至圍城發大砲射入城雉堞幾爲之壞朝聘以籔篠絡土石堵之砲不得入賊又爲地道穿入城朝聘以火藥從石隙燒之如是累日援師至賊乃遁圍解賊斷新橋浮橋以去朝聘尅日脩就勤勞赴事軍需無悞 大兵至供

泉州府志

卷之三十二

名宦四

十六

億浩繁民不堪命朝聘從容調理事得就而民亦安後以才能改調臺灣旋陞霸州知州累官巡撫祀名宦

○張召華字實君號復齋湖南華容人康熙甲子乙丑聯捷進士三十一年知晉江縣實心愛民而聽斷明敏民有鬻子輸逋者捐俸贖還之有嫌婿貧而悔婚者代出聘幣且資其生計有父訴子不養者其子行賄求解庭鞫時出貲昇其父曰可以養爾餘年矣朴其子邑人稱快有桀黠賈人其父以不孝訟鞫時天方寒其父襲新衣入而賈人故敝衣露肘陳寒苦狀佯呼其父詈之曰



吾不忍覩而子之寒乃以不孝妄捏不重朴何以教慈呼胥持大杖觀者方駭愕召華微睨賈人顏色揚揚忽叱之曰而見父將受大杖而猶可忍耶不孝奚辭以大杖重懲之觀者歡躍稱神有守瓜圃而斃者昏夜莫知誰爲集鄉民於社廟袒裼驗之一人膚體傷敗詰之立屈服他讞事多類此晉人文素盛賓禮其俊秀加以訓誨自此童子試盈萬人癸酉分校得人爲盛如蘇壘戴鍊皆知名士革除重耗禱雨捕蝗無不立應以母老請終養士民攀留不獲則爲供其食用伐石紀德去之日送至洛陽橋者數萬人

泉州府志

卷之三十二

名宦四

十七

○劉宏基字恆齋廣西臨桂人由舉人康熙四十六年知晉江縣寬厚居心慈祥字人憫晉邑貧窮催征常寬限期不事敲朴聽訟得情應杖者量減其數惻然哀矜以計典不及解任百姓迎於通衢爭舁之旅不行賈不市呼聲動地擁集萬餘人舁至道府各衙門叩首乞留如是三日旣不得請則有百餘人跋涉赴省至督撫各衙門懇留如前俱慰之而歸老幼男婦絡繹至公館輸給新米五匝月不替紳士刊刻德政詩紀焉起程回籍爭

送出郭數十里涕泗而別

○蘇本潔常熟人雍正五年知晉江縣哀矜民命讞獄反覆詳盡惟恐稍有失入憫貧民乏地營葬捐俸於東嶽山買地一區以爲義茔計產七畝立石爲界又爲勒誠語於石以杜爭端民至今賴之

○王時翔鎮洋人由生員保舉雍正七年知晉江縣下車集士於明倫堂諄諄戒諭勉以砥躬礪行聽訟準情度理凡稍可原者訓誨使之自新不輕施敲朴邑人德之

○曹鑾全州人雍正丁未進士十二年知晉江縣明達果

泉州府志

卷之三十二

名宦四

十八

決聽斷不待煩言兩造輸服邑有先賢裔孫女貧苦不能自存典與富家爲婢及長向贖勒措不與訟到官鑾訊實欲治富家以壓良爲婢之條搶地求寬請免其典價以贖罪乃爲出粧資擇士人配之人誦其德十三年署惠安縣繼知南安縣均有惠政丁父艱去民謳思之

○胡格江夏人由舉人雍正十一年知同安縣有能聲十三年調知晉江縣催科不擾治事維勤每聽訟稔知桀黠者多強詞奪理而謹愿者肅於威呐呐不能出諸口獨喚至案前霽顏溫詞以叩之俾得從容達情然後□

理其曲直片言而決民稱不寃有巨惡柯疇膂力絕人淫掠鄉村告案纍纍兵役徃捕屢被免脫莫可如何格偵知其藏處密約營員兵役屯於十里外而自同守備郝琮並親丁二人直入虎穴擒之兵役繼至環繞網縛赴縣監斃數十年大憝獲除民頌其功乾隆六年再任賢聲益著十一年陞本府海防同知鋤強扶弱決獄明允治一如晉歷延平潁州知府

○王裕瓚大同籍山陰人由監生先知惠安南安縣有惠政乾隆十三年知晉江縣剛正精明人莫敢干以私嚴禁吏役藉端需索皆戢戢奉法遇事卓然有主不爲浮議所移案牘皆出手裁無所假手每讞獄曲直立分一切虛誑之詞不敢妄瀆訟牒以減調知閩縣乾隆十八年保舉知府未入覲卒于官晉邑民追思之

○晉江縣教諭

○林潤芝延平人由舉人初授德化教諭有善教聲丁艱服闋補晉江教諭時當兵火 文廟明倫堂悉爲堆草收糧之處潤芝至卽通詳各憲力請移于別地廟學乃得肅清又捐俸于堂後起蓋衙署及捐置棹橙家私留

交來者鐫石記於廟側秉鐸體統規畫有緒秩滿陞河  
津知縣

○南安縣知縣

○祖澤茂號滋淵奉天廣寧人順治八年由官生知南安  
縣時海上陸梁甲午冬寇掠南邑城墜署圯虎患數告  
民大苦之十三年春澤茂卽舊址築城酌諸里役計見  
年丁米扣全年供應之費以充工資勸民輸將趨事恐  
後纍石庀材殫心經營四十餘日而城復完改舊堞並  
二爲一以省戍者周遭炮臺樓櫓皆壯觀重脩治署規  
泉州府志

卷之三十二 名宦四

二十

制整然復新 文廟明倫堂於兵戈蹂躪之餘急所先  
務百凡勵精稱幹材邑人尸祝之與前明初建城者夏  
汝礪同祠祀焉

○劉佑字伯啓鄆陵人順治己亥進士康熙七年知南安  
縣以儒術飾吏治不爲局促脂韋下車脩葺學宮兵燹  
之後觀瞻一新購尋李九華壬申邑志搜羅遺編延請  
紳士掇輯散軼親與徃復討論續成新志武榮文獻賴  
以有徵邑離郡不十里 國初以來甲第右族多僑居郡  
城田賦難清請託多門佑莅政催科不稍瞻顧嘗票書

逋賦貴人姓名於籤上自署曰差劉某衆憚其名稅賦早完無敢以私干其詩歌及條議多自編入邑志藝文內如脩理戰船鼓鑄議脩船歌等篇皆留心民瘼有足採者

○宋煜北直人康熙十六年知南安縣時海氛未靖大兵進剿煜內飭政治外給軍需倥偬立辦寇劫村落躬率鄉總武舉李元烈追擒賊將李紫李復貴梟首戊午六月海賊攻南安多方誘降煜從城上叱罵城陷身率家丁巷戰力殫遇害越三日賊去百姓環屍而哭見膚

泉州府志

卷之三十一 名宦四

二十一

體如生蚋蠅莫近共收埋于城東事聞 贈按察司僉事 蔭一子

○李延基字介持號肯堂奉天鑲藍旗籍宛平人康熙三十三年知南安縣精敏有幹才發摘奸伏剴決如流人不能欺其爲政主於抑強扶孱境內稱治留心地方利弊脩廢舉墜不稍因循築鵬溪之堤障東坊三都諸水迴繞邑治前與西陂水滙前洲達龍江以蓄地脉資灌溉造塔堤上勒石紀之他如萬石陂金雞橋富民樓龍鬚井諸遺蹟廢者興之湮者浚之復新明倫堂還學署

于舊所縣署之後纍土爲山形如負宸以屏蔽邑治填黃祠巷雙井以免發洩於是數十年風會寢上官安其職民樂其業在任十餘年吏畏民安百廢具舉閒以其暇陟九日泛金溪葺諸勝蹟與遊人樂之焉擢綿州牧調黃平州遷水口分司九日山庵中原有延基像將去命撤之曰吾在此諸豪族不吾便也不撤且索我於金溪之淵然延基旣去誦其德政者翕然無異詞子世金常州同知秩蓬州知州

○李承祖建昌人由監生康熙四十七年知南安縣廉公

泉州府志

卷之三十二

名宦四

二十二

子諒風采可畏愛吏惕民懷循聲大著爲人安詳而有風力有軍吏借軍門名下民間恣索無厭民弗堪羣噪而攻之控於庭承祖曰汝曹無云然爲軍門盛德累軍門素愛民寧有此下人所爲耳速歸無譁當爲汝白之遣還安業懷其詞赴轅白之事乃釋在任三年內陞主政去與前令李延基並推良吏有前李後李之稱云

○湯啓聲江都人康熙丙子舉人雍正二年知南安縣諳熟吏事不才自矜聽事原情酌理從容剖析如儕輩話事人自帖服或願出自處分者聽之性簡素一袍一

鞞或經數年以事下民間不飭厨傳蒙館素椽時漚一孟供頓不煩其約已便民如此氣度安詳事至不擾前令時惟豫徵輸戶書增減執照多收少繳侵沒無數民有輸而帑仍缺事發上下騷然啓聲查對收照官欠民欠一一清核無重科其德於民爲最在任數載調臺灣去

○劉浴直隸棗強人由監生累任同知雍正十二年署南安縣雅持清操以安靜爲政無所矯飾接人以禮不爲峻絕難犯之容亦不可干以私後以命案事已成讞廉

泉州府志

卷之三十二

名宦四

二十三

得室氏毒害狀起屍果自井出更爲爰書以進卒以前後異讞被議浴勅刑法正風化不顧考成俾逆婦無漏網死者不含冤時論歸之

○侯海金匱人由副榜乾隆十三年自長樂調知南安縣明敏曉暢溫溫無厲容遇事剖決如流計一日事件預登牌示屆期按早晚逐一訊結案無停滯民無延累邑素稱煩劇至海游刃恢恢有餘懸鉦宅門以待鳴冤驗傷者下鄉窮民無勒索之苦嚴於剔奸棍徒偷兒望風屏息視事月餘境內肅然旋以長樂任內坐累解組去

人咸惜之

○南安縣典史

○陸高平山陰人康熙元年任南安縣尉清慎自愛與物和平時以奉公下鄉不啜民間一粟署驛務尤體恤民艱不肯濫用一夫以厲民凡履任九年終始如一竟以勞瘁卒于官囊橐如洗自邑長及里民皆相率助之得

以歸櫬

南安志

○南安縣教諭

○陳翰墨建安人乾隆辛酉舉人九年任南安教諭異時

泉州府志

卷之三十二

名宦四

二十四

廣文與諸生少接見翰墨樂易和雅不受贄餽與多士畧禮節敦意氣自考業論文外於他事一無所與士飲其和親其範倍加淬勵數年告病歸囊橐蕭然怡然自得卒於家至今邑人追想其雅韻清風猶深向往云

○惠安縣知縣

○楊逢春字德溥平山衛人順治七年以進士知惠安清介自持有積案漏網渠魁爲人首發夜買吏餽金三百逢春怒擊吏頭破流血幾斃竟置寇于法萑苻懾服每試士衡文尤工士服藻鑑卒于官



○秦漢松新安人康熙二十三年以教諭陞惠安縣恬澹剛方不可屈折時遷界新復田多淹沒于海潮賦累民苦松追徵有法民不見擾有假命越訴上官檄駁嚴切松執法申牘曰石硯可磨此案難翻後卒于官囊橐蕭然

○陳菁字幼木江寧人康熙二十四年以教諭陞知惠安縣老成精練不徇權勢甫下車有奸民誣訟其族且加以非罪菁擒其惡遣戍之衆大允服爲政以實心不求虛譽尋陞御史去邑人思之

泉州府志

卷之三十二

名宦四

二十五

○錢濟世字元功號碩齋武進人由歲貢生內廷教習期滿卽用康熙四十八年知惠安縣事力除徵糧重耗設循環長單統計一年徵額分限聽民自輸敲朴不聞胥役無擾康熙四十九年荒旱

朝命截漕賑恤例由郡城轉發濟世以饑民待救甚急稍遲則轉死溝壑而海運必先經惠澳詳請就近截留速甦民命且省運費上官從之全活無筭政尙寬厚獨嚴於治盜邑有積年巨匪王賜曾添踪跡詭秘設策擒獲按以法又屢擒海盜陳發利等餘黨遁跡海濱以靖前

因查勘饑民戶口至鄉見一家只婦人幼子在室踪跡頗異命幹役偕其幼子搜獲紬七十餘疋布百餘疋血污縣紬袴等物嚴鞫其婦悉吐實情乃傷人洋盜也卽密擒其夫嚴訊供出夥盜二十餘人在惠者二人餘多係外縣密稟提軍擒獲解究時疫氣盛行卽將搜獲紬布變價製備丸藥遍施病民值隣境匪賊騷擾倣管子內政法十家出一兵鄉設練長以邑紳功加官統之操演防禦賊不敢犯浙省移捕匪黨有姓名年庚而無住址同姓名者多莫可指辨潛收各鄉賽神簿查對得一

人相符解浙審究餘槩不論邑驚爲神尤留心文教試士手自評隲擇其尤者入署親教之倡建螺陽書院於署西集士肄業延名師掌教事文風丕振捐脩洛陽橋建明郡守蔡錫祠于橋北與宋蔡襄祠對峙勒碑紀焉在任十一年告病回籍邑人臥轍攀輿追送數百里年八十五卒於家乾隆十年至十三年紳士屢經呈請崇祀名宦尙未具題二十四年復僉議祀主於螺陽書院子人麟雍正癸卯舉人孫維城乾隆乙丑狀元及第

○李長庚臨漳人康熙己丑進士五十八年知惠安縣政

治嚴明時邑棍橫行庚嚴置之法黨與稍散未幾臺灣告警人心搖動庚日夜嚴刁斗慎保甲復調集漁舟接濟軍需民間不擾暇則集生童訂期月課及歲科兩試俱躬爲甲乙真才悉拔無遺刊有螺陽課士錄後以丁外艱去

○鄭夢元從化人雍正元年以解元來知惠安縣性仁厚每用刑矜卹民命重者從輕輕者從省鞭笞不過數十時年饑寬其追呼賑卹有法臺灣御史疏薦之以母老乞終養歸

泉州府志

卷之三十二

名宦四

二十七

○姚廷格平遠縣人雍正壬子舉人乾隆十一年知惠安縣政利民洽盜匪斂跡邑文廟舊無祭器丁祭多虛應故事廷格倡首捐資照部頒定式製造籩豆罇壘祭期齋宿廟中竭誠盡敬監督庖人精庀品物必豐必潔復捐俸資交商生息歷年收息以佐祭費紳士勒石學宮誌之

○惠安縣訓導

○蕭鳴鳳歸化人順治間以歲貢司訓惠安性質公忠甲午海寇攻惠安城破被執鳴鳳服朝衣冠向闕八拜自

縊于明倫堂

○安溪縣知縣

○徐騰鯨遼陽人順治三年以廩生領 貝勒王劄署安溪時邑貧民敝留心撫綏越年安永各處竊發日夜練鄉壯置戰守協剿斬賊數十羣醜聞風皆遁附邑咸賴隨奉檄以孤城莫支召諸守將撤兵歸郡海寇陳輝遂乘勢據安邑荼毒嗣 大師入關騰鯨同折副將統兵恢復士民見之如父母掃清賊窟地方以寧祀名宦

○韓曉陝西長安人順治十二年以廩生知安溪縣時軍

泉州府志

卷之三十二 名宦四

二十八

需繁興悉索憔悴曉加意撫字民氣稍舒猶慮海寇雖遁城垣未築終非安全之策於是集紳衿議築城堞經費出于九甲免役之輸申請報可越年工竣不傷民力邑頌其功至今賴之祀名宦

○閩洞號鶴龕山西進士康熙八年知安溪縣時山谷未靖賦稅多抗至則敷腎腸榜諭通衢窮鄉父老潛然感涕未浹旬悉完積逋廉潔自持餽遺悉屏士謝筐篚民免壺漿至其羅名衿無遺俊撫危黎無疾威旁通發揮酌弊施法供者不勞追者不擾訟庭就閒琴書自得民

宜而頌之

節盤輿  
備言

○謝宸荃字亮工號郎屏安肅進士康熙十一年知安溪縣凋敝之後百廢未舉宸荃留心經畫重脩縣治並明倫堂東西廡又脩城隍廟宇龍津浮橋一邑煥然改觀自派役例行按畝誅求里胥復陰增其數民幾弗堪宸荃當接役之頃攬舊冊而制之不搖不亢徵法以平曩時官初至有鋪設出有厨傳燕享殽饌祭祀牲牲悉取之里下宸荃一概謝却治獄委曲求生竟年積歲之案一朝破械親屬相訟杯酒追歡各洗心以退申鄉約教孝弟勸徵輸獎順善行保甲弭盜賊禁呼盧驅俳優務期厚民生而正民俗邑人懷惠畏威烝烝丕變焉

安溪志  
參

盤輿  
備言

○李鈺奉天人康熙十六年知安溪縣漳賊蔡寅率衆數千寇縣民心洶洶不知所出鈺與防守王某率軍民保禦里人林超北素曉陣法適在城中見賊行死門謂無能爲也隨機制應賊百計不能克遂引去次年戊午四月賊又至四面環攻欲持久以困敝鈺督練兵壯力捍夜閒每陴一燈數陴一燎守之女牆上橫以巨石累小

石於下賊稍近以炮石飛擊之賊梟將架雲梯臨城大石火炮齊發斃梟於西門城隅卽令弁兵王天哥鄉壯劉猛縋出砍壞雲梯並殺通賊之許潛賊又積松梢於西門鳳應宮一帶欲以凌城鈺同協防甯某急引兵壯吳申吳國泰張義吳士等分道出大小東門與賊戰賊稍却開大西門縱民撤運松梢入城是時賊各道把截絕我救援乃以蠟書令李斗從間道求援於郡得提督兵取道南安翁山有翁山鄉壯爲官軍向導從翁格抵安賊戰失利遁去計被圍二十八日賊黨猖獗連年攻

泉州府志

卷之三十二

名宦四

三十

城而邑中生靈克全無害者鈺保障之力也

○許封男南昌人由舉人康熙三十年任安溪知縣除供億之累署中所需鬻於市如民價賓接文士禮貌有加人皆矜奮見小民假以顏色俾得自達聽訟教民以忍小忿式大讓爲諄諄數月政脩事治吏不容奸其催科不苛而肅邑下里凡六在萬山中稽年負逋封男家喻戶曉之胥役里正窟穴皆除民感悟爭輸盡清宿負李光地稱其言本仁義行有枝葉其善氣好生可以福澤

斯民

節臬軒  
文集

○辜文麟潮州古義人由進士康熙四十四年知安溪縣  
倡興學校脩建龍津橋有漳寇陳五顯者結夥於白花  
林討平之後卒於官

○曾之傳號石巖江西永新人康熙五十一年由舉人知  
安溪縣清介勤慎事必便民下車卽自言曰吾其使案  
牘無煩乎按編戶爲清產累催科不迫民得餘蓄責捕  
弭盜邑少犬吠復脩學宮明倫堂城隍廟城垣倒塌六  
十餘丈俱無與民間一錢捐建考亭書院充租輪祀政  
暇則與諸生論文莅任數載恬淡而政事自簡時相國  
泉州府志

卷之三十二

名宦四

三十一

李光地歸里見而加禮之後卒官邑民祀於考亭書院  
文昌宮之左

○邱鎮山陽人康熙六十一年以舉人知安溪縣寬猛互  
濟事治民安嘗署惠安亦如之未幾以倉累解任補滿  
題請開復委理鹽務未得缺病卒于邸民惜之

○朱必考高安舉人雍正五年權知安溪縣禮賢下士廉  
節愛人以言語失檢忤上官意署任未久而去人咸思  
之

○趙琳正白旗監生雍正七年知安溪縣風裁峻整革除

蠹弊胥吏無所逞其奸清操不苟嘗自書堂壁云爾意莫欺三尺法我心不要一文錢重脩文廟爲文記之

○蔣廷重貴筑人由舉人雍正九年知安溪縣整躬飭務鋤莠毓嘉布德寧人闔邑大和按視樓堞半就傾圮詳請鳩材庀葺逾年竣功堅緻崇閎十倍於昔民不知擾

工忘其勞邑人李清植爲文記之

節安溪藝文志

○王植山東諸城人雍正十三年知安溪縣廉潔自持募建義學以教育諸生鋤暴抑強尤嚴弭盜賊匪遠竄外境民有夜不閉戶之謠乾隆七年保舉科道陞本府西

泉州府志

卷之三十二

名宦四

三十二

倉同知

○藍應襲廣東大埔人雍正壬子舉人乾隆三年署安溪縣甫下車米價高騰卽開倉平糶邑民賴之才具明敏決判如流尤加意作人振興文教恤民重士以清廉著聲去之日父老遮道遠送不忍遽釋

○辛竟可元城舉人乾隆十五年知安溪縣和易慈祥愛民禮士邑東偏有義學膏火不贍肄業寥寥竟可倡首捐資募置租穀四十九梔以充由是弦誦彬彬又捐脩明倫堂旋調古田縣去



○安溪縣訓導

○蔡祚熹字在朱號君晦漳浦人雍正二年由歲貢司訓安溪性恬澹敬謹脩潔自持辰夕詣 廟堂焚香灑掃丁祭牲饌必親檢視務期豐潔月每會諸生課藝躬爲程式勗以敦門內行立節槩誠心所感人士化之諸生丁艱起復飭學胥不得索一錢東脯隨其所上一無計較委查保甲盡却陋例至鄉村集父老子弟與言慈孝進髦士與言讀書作文之方所至皆敬而愛之暇則呶唔衙齋教授其幼孫弱子居官數年非公未嘗一至宰

泉州府志

卷之三十二 名宦四

三十三

室越年得病諸生輪侍日夜不稍倦旋告歸去之日士送數十里外涕泣而別繼其任者爲申文請祀名宦

二節

希堂文集  
參安溪志

○胡檀生永定人乾隆元年以歲貢任安溪訓導立品端方留心課士後調彰化學任滿陞閩縣教諭年八十餘告老歸

○同安縣知縣

○楊芳聲宣府萬全左衛人由歲貢康熙二十二年知同安縣禮士愛民下車值天旱苗槁芳聲跣足禱乞甘霖

立沛時當平臺之後

措置得宜改任鳳山

旋擢主事

○徐名覲江寧人由監生康熙二十四年知同安縣因時爲政綜核名實蠹胥干法之徒不得逞志脩葺聖廟興義學敦師課士綽有規模未幾去官人甚惜之

○蔣沛字雨田貴筑人由舉人康熙四十四年知同安縣平易爲心忠厚待人聽訟時凡有株蔓輒爲解釋尤寬能文之士諸生皆樂經其品題分闈校士得第一人時譽翕焉

泉州府志

卷之三十二

名宦四

三十四

○陳國柱號砥菴湖廣漢陽人由貢生康熙四十六年任同安縣清正自守賄不能誘吏不能欺正賦外毫無所取人欽其廉捐俸建文昌祠及書院於射圃地士民懷之

○朱奇珍字平齋號慕亭長沙人康熙五十一年由丙子舉人知同安縣清白自矢秉正不阿敬禮儒士推崇先賢重修紫陽祠及高士軒催科有法減火耗革陋規清查米額不致混累詳陳積穀應分屯分賑以便民治囹圄令男女別處命案干涉者訊明卽釋不致株連朔望

沿鄉宣講六諭禁緝闖徒嚴革刁風柔不茹剛不吐又捐建東門雉樓並葺西南二樓修邑乘以垂獎勵癸巳分校取士得人甫年餘告養歸候代時猶捐資與武員公建演武廳諸皆爲文記之

同安志纂

○史正治孝義人由監生雍正七年知同安縣邑賦向係一族統爲一戶互相推卸正治設法清釐俾各立的戶就業問賦照額輸納不相貽累同民便之

新纂增

○唐孝本武進人康熙庚子舉人雍正九年知同安縣丁外艱十三年再任建縣署義學清學租爲諸生膏火復

泉州府志

卷之三十二

名宦四

三十五

建朝元門築南門外東西二溪堤岸保障民居至今賴之先於雍正七年知晉江縣捐買東嶽廟口塚地一所給貧民埋葬立碑以記後因名爲唐厝埔

新纂增

○同安縣教諭

○段有綵南平人由舉人順治十一年任同安縣教諭持身以禮教導有方諄諄獎勵足爲師範

同安志

○陳輝祖候官人由舉人順治十八年任同安教諭事築四壁壞垣新櫺星門

同安志

○黃允芳甌寧人由舉人康熙十七年任同安教諭時海

警未靖兵馬以澤宮爲駐所允芳自捐工費蓋造營房  
通詳上憲檄移 文廟一清仍倡率紳矜重脩儀門兩  
廡廟貌整肅每遇春秋二丁先期洒掃廟廡飭祭器集  
與祭諸生演習禮儀惟恐愆度課士按期親定甲乙所  
講解一以紫陽爲宗復諄諄以砥躬礪行相勸勉不徒  
專取文詞贊餽槩置不較諸生悅服各自奮勵所著有  
河洛解孟子或問 文廟祀典禮器陞武清知縣去同  
士思之不置同安志纂

○孫芷龍溪人由歲貢雍正六年任同安教諭立品端方

泉州府志

卷之三十二 名宦四

三十六

淹博經史誘掖後進樂而忘疲課士多至四五百人品  
題甲乙無不悅服以老告歸新增

○同安縣訓導

○陳聲遠號海萍候官人由貢生康熙四十九年任同安  
訓導謙以持己誠以待士同脩邑志與有力焉同安志

○福建陸路提督

○馬得功遼東人順治十年以提督三等任福建水陸提  
督軍務丙申海寇圍會城得功督師應援會省圍旣解  
遂倍道追擊陸攻則從石鼓以扼其鋒水戰則遮峽江

以奪其險克復閩安重鎮乘勝逐北復連羅福寧官塘  
威振海外移駐泉州結營鷺島造巨舟百餘艘復沿海  
十六城擒白沙南惠德化安溪等處老穴渠魁以次俘  
建邵汀漳溪濱獺窟諸寇翦除殆盡以積勞卒於官  
○段應舉遼束鑲藍旗人康熙十五年以都督同知提督  
福建軍務當克復泉郡之日誓師戒殺秋毫無擾寇圍  
海澄應舉矢志堅守食盡援絕至蒸靴底皮煮糊窓紙  
以爲食兵民無一叛者不數日城陷遂自殺

○張雲翼字又南關中人初爲大理寺卿以父扞西陲功  
泉州府志

卷之三十二

名宦四

三十七

襲封侯爵康熙二十五年授福建陸路提督至則戢部  
伍卹閭閻謹斥埃詰奸宄萑苻屏息兵民晏如暇則與  
士大夫樽酒論文敲棋賦詩辛未夏旱祈禱莫應雲翼  
乃命建壇于東嶽祠蔬食致齋爲文告之復步禱于烈  
日中於是雷作雲同傾盆如注益以霖霖數日高下均  
沾歲以豐稔泉民爭頌其功又念嶽山墳塚纍纍貧民  
無埋葬之區捐貲購地以爲義塚民咸德之所著有式  
古堂詩文集

○王萬祥字瑞宇號鐵山鞏昌府會寧縣人隨征關西俘

獲甚衆叙功擢總兵官康熙三十七年歷福建陸路提督時閩疆寧謐烽火無驚以戢兵愛民爲先務朔望集兵民講解

聖諭躬行爲倡晉邑學宮久不治且就傾圮捐俸鼎新之御將弁士卒廉而有恩散餉清查按給毫無缺漏拔補弁目擇貧而材有功而遠者其有以貲進者嚴斥之後皆屏息署中需用諸物照市價平買無敢藉名派勒者遇旱饉水火必躬馳齋禱憂樂與民同之值

聖祖南巡恭迎 陛見

泉州府志

卷之三十二 名宦四

三十八

天顏喜溢顧謂扈蹕諸臣曰是其居官最優聲名最著者注問良久 錫賚甚渥賜智義合宜扁額回任益普惠澤凡紳士將領兵民咸感頌之康熙四十年以疾卒於官通郡呼號悲涕呈請入祀名宦又於鳳山之陽建祠塑像祀之勒石紀焉祠付道士林斗賜住持看守其子王德敬懋欽等將扶櫬北歸復買田十二畝零六毫給斗賜爲歲時祭祀脩葺之費其坵段住址田租產米佃戶另勒石於祠中

○穆廷栻號符公永平府山海衛人康熙丁未二甲武進

士五十四年任福建陸路提督懸扁於署曰天理國法  
人情嚴紀綱飭部伍程功能勤訓練仁慈惻怛發乎已  
而孚乎人拊循備至兵戢民安六十年臺灣朱一貴倡  
亂 大兵進討內地戒嚴廷杖從容坐鎮約束營伍稽  
查匪類民不知兵絃歌之聲溢於街衢暇則遍讀羣書  
手不釋卷恂恂儒者氣象自奉儉約爨無精糧食無重  
肉囊無餘財家無私蓄一切甘苦與軍士共之故人戴  
其德最深卒於官舍兵民感泣悲思勒石東關外紀德

建祠萼輝舖府後山祀之

節楊仙洲碑記

泉州府志

卷之三十二

名宦四

三十九

○張起雲字紫綬大寧人雍正六年由提標右營遊擊署  
烽火門叅將信賞必罰訓練有方累遷南澳鎮總兵官  
鎮爲南澳要衝商艘絡繹稽查爲難起雲親歷巡察安  
塘設哨規畫周詳沿海萑苻潛消遠跡凡營卒年老無  
依者悉捐俸米以資其生又捐施醫藥以愈兵民瘴瘡  
芟除毒草以免愚氓輕生治軍餘暇手不釋卷遊覽所  
至形爲文章九年署陸路提督端己率屬恤兵愛民以  
勞卒於官兵民思之十年 特旨祀賢良祠

○中軍叅將

○朱起龍浙江人起家戎行康熙甲寅之變全家被難起龍走脫丁巳二月隨提督段應舉克復泉州將軍藩鎮議剿起龍勸提督極力阻止民賴以全三月白頭賊匿城中夜半竊發兵民失措起龍率衆先驅從北門殲逐始遁授中軍叅將歷建奇功秋毫無犯泉民黃郁家貧有女年十五賣與福州楊把總爲妾臨行哀哭不忍去起龍捐俸二十兩代贖俾就近擇配郁親族鳩金繳還堅不受又張天錫折屋有傷隣家致競問價十金如數捐給免折後陞海壇鎮總兵軍民遮道泣留近時新案

泉州府志

卷之三十二

名宦四

四十

○遊擊

○劉國興字振宇直隸宣化人入伍隨征討平逆亂恢復遷界多立戰功由古田把總累遷提標後營遊擊康熙十七年海寇圍泉勢危累卵國興身先士卒竭力捍禦城賴以全每行軍所至紀律嚴明保全婦女名節不可勝紀福泉二郡士民至今頌德歷任河北碣石韶州三鎮總兵官卒 恩賜祭葬子世明任福建巡撫陞本省總督閩人咸慶國興能以陰隲作貽謀者

○李尙文籍貫未詳康熙初任水師將調防泉州城十三



年耿逆變欵使至泉提督王進功剪辮納印縱兵焚劫坊市於是提標兵劫縉紳諸防兵劫編氓士女襍被號竄獨尙文約飭所部兵秋毫無犯未幾提標誘殺城守賴玉守備戴國用泉民德尙文最深爲涕泣請命得不死

陳宏夫三秋紀事

### 金門鎮總兵

○陳龍號鱗長康熙時爲金門鎮總兵先是海上陸梁吳撫軍以偏師援泉龍爲先鋒先撫軍至泉遇賊橫陣披靡莫程其勇及開府於金用意拊循外肅備禦內集流

### 泉州府志

#### 卷之三十二 名宦四

四十一

逋封內來者如歸復以公暇與人士分期校文第其高下比督學試士則所識拔者皆哀然居首一時稱爲名將儒雅有同安縣民許貞負官餉其叔許開鬻兒女以釋其繫鱗長聞之捐俸百餘金代贖所鬻使復完聚泉

人德之

近時新案參  
臬軒文集